

գալուստ պատասխանի գրոց 'ի Կոստանդինուպօլսոյ : Յետ այնորիկ գրեաց Թէոդորոս Պատրիարք գիր արաջանաց առ Կուսակալն , առ երկրորդ նորին և առ այլ կարեւոր անձինս , պատրաստեալ իւրաքանչիւրոց զարժանաւոր ընծայս , և յանձն արար վարդապետաց . ետ նաեւ զպատճէն հրովարտակիւն և մեկնեցան յերուսողէմէ ('ի 23 Յուլիսի) : Ուղեկցութեամբ երկուց զինուորաց և սուրհանդակին , ճանապարհ արարեալ սոցա հասին 'ի վերջին իջեւանս Սաղսազա կոչեցեալ , և մինչ պատրաստէին ելանել անտի՝ ահա եկեալ մտին 'ի նոյն իջեւան Սոճաքեանն և ճարտարապետն իւրովք հանդերձ՝ և զարմացեալ ողջունեցին ըզնոստ , և 'ի հարցանել զպատճառ ճանապարհի նոցա , ասէ Սոճաքեանն՝ Բդեշխն չունի հաճութիւն կատարել զգործն Հայոց , որոյ վասն աճապարեմ 'ի Կոստանդինուպօլսի ծանուցանել զիրան Արքայի : Իսկ ճարտարապետն առանձին եցոյց նոցտ չհաւատալ կեղծ բանից նորին , զի առաջի Բդեշխին արդարացոյց զՅոյնս , և նորա առեալ դազա 'ի Յունաց 3000 դահեկան և յայանապէս ետ ցնա իբր շնորհ ինչ 'ի կողմանէ իւրմէ . լուեալ զայս Վարդապետաց գրեցին գիր առ Ադամ Գալֆայն և առ ընկերս նորին՝ փութալ հասանիլ 'ի Կոստանդինուպօլսի չմնալ ուխտաւորաց . զի Բդեշխն 'ի բանից Յունաց ձգեալ է զգործն 'ի Գուռն , եւ զմեզ կամի նեղել , եւ զայս գիր չյայտնել ումք , (1813 . 'ի 29 Յուլիսի , ժամ 7 գիշեր) . զայս գիր ետուն ճարտարապետին հասուցանել նոցա յԱքքէ , և կամ ուր և պատահեսցին :

Թէպէտ վարդապետքն կամէին դառնալ յերուսողէմ , այլ երկեան 'ի Բդեշխէն և 'ի զօրացն , և 'ի նմին աւուր ելեալ անտի մտին 'ի Դամասկոս եւ օթեւանս կալան 'ի վանս Հայոց Ս . Սարգսի եւ զգալուստ իւրեանց ազգ արարին կիւչիւք Յարութիւն գանձապետին , և 'ի վաղիւն չոքան առ Քեահեայ Պէյն և մատուցին զգրեանս , և նորա 'ի վերին երեսս սիրով ընկալեալ զնոսա հարցանէր զողջունէ Պատրիարքին և ծերունեաց , ապա եհարց զգործոյն , եւ նոքա պատմեցին զեղեալն , և զանկատարան ըստ մտոց հրովարտակիւն եւ դատին : Գուք ասէ յերուսողէմ երկու կերպ սահարկութիւնս արարիք ընդ Մէհէմէտ Պէյիւն ,